

**CYFRAN-
OCWCH!**

CYFANSODDIAD LLAIS MYFYRWYR



CYFRANOCWCH!



**CYFANSODDIAD LLAIS MYFYRWYR COLEG CAMBRIA
(CYMDEITHAS ANCHORFFOREDIC)**

DIFFINIADAU CYFLYM

AELODAU

Mae myfyrwyr sy'n 16 oed a hŷn yng Ngholeg Cambria yn cael eu hystyried yn aelodau Llais Myfyrwyr Coleg Cambria ac mae ganddynt hawl i godi eu llais.

CYNRYCHIOLWYR

Y cynrychiolwyr yw'r myfyrwyr sydd wedi cael eu hethol mewn etholiad dosbarth, neu drwy dderbyn enwebiad, i gynrychioli llais eu dosbarth.

AELODAU CYNGOR Y SAFLE

Dyma'r cynrychiolwyr sydd wedi cael eu dewis, drwy gais, cyfweiliad ac etholiad, i gynrychioli eu dosbarthiadau a'u safle fel grŵp mewn cyfarfodydd gydag aelodau o'r Uwch Dîm Rheoli.

IS-LYWYDDION MYFYRWYR

Dyma'r cynrychiolwyr sydd wedi'u hethol i gynrychioli eu safle a chyflawni dyletswyddau ychwanegol, gan gynnwys cadeirio cyfarfodydd Cyngor y Safle.

PWYLLGOR GWEITHREDOL

Mae'r Pwyllgor Gweithredol yn cynnwys Swyddogion Llais Myfyrwyr, sy'n gyfrifol am wahanol ddyletswyddau, ar draws y safleoedd.

LLYWODRAETHWYR MYFYRWYR

Mae 2 o Lywodraethwyr Myfyrwyr yn cael eu dewis gan gymysgedd o etholiadau a chyfweiliadau i gynrychioli buddion y myfyrwyr ar Fwrdd y Llywodraethwyr.

Mae Llais Myfyrwyr Coleg Cambria (CCSV) yn gymdeithas myfyrwyr yn ôl ystyr y Ddeddf Addysg 1994, sy'n gweithredu fel llais i'n haelodau, gan ganolbwyntio'n gryf ar ddiddordebau a lles addysgol. Mae Coleg Cambria yn darparu adnoddau i ni i'n helpu i gyflawni ein Hamcanion.

**CYFRAN-
OGWCH!**

AMCANION:

Ein nod yw hybu addysg myfyrwyr Coleg Cambria er budd pawb drwy:

**CYFRAN-
OGWCH!**

Darparu gweithgareddau cymdeithasol, diwylliannol, chwaraeon a hamdden i fyfyrwyr.

Hyrwyddo buddion a lles Myfyrwyr Coleg Cambria drwy gynrychioli, cefnogi a'u cynghori.

Bod yn sianel Gynrychiolwyr gydnabyddedig rhwng myfyrwyr, Coleg Cambria a sefydliadau allanol perthnasol.

Darparu fforymau ar gyfer trafod a dadlau.

Gwneud myfyrwyr yn ymwybodol o weithgareddau Llais Myfyrwyr.

Hyrwyddo Coleg Cambria.



PWERAU:

Er mwyn inni allu cyflawni ein hamcanion, mae gennym y pŵer i wneud y canlynol:

- Darparu gweithgareddau, gwasanaethau a chyfleusterau i'n myfyrwyr a'u hyrwyddo;
- Codi arian a derbyn grantiau a rhoddion; a
- Gwneud unrhyw beth sy'n gyfreithlon i gyflawni ein hamcanion.

ARIANACEIDDO:

Rhaid defnyddio ein harian a'n heiddo i'n helpu i gyflawni ein Amcanion yn unig.

Ni all y Pwyllgor Gweithredol dderbyn unrhyw arian nac eiddo gennym ni ac eithrio eu treuliau parod rhesymol.

Bydd cynrychiolwyr yn cael talebau siopa gwerth £10.

Digwyddiadau Llais Myfyrwyr - gan gynnwys, ond heb fod yn gyfyngedig i gynorthwyo fel Llysgennad Myfyrwyr mewn Digwyddiadau Agored - ond ni wneir unrhyw daliad arall.

AELODAU:

Mae'r amodau a'r gofynion cymhwysedd canlynol yn berthnasol i aelodaeth Llais Myfyrwyr Coleg Cambria:

Mae holl aelodau Llais Myfyrwyr Coleg Cambria yn gymwys i gynnig eu hunain fel Cynrychiolwyr Myfyrwyr ar gyfer eu dosbarth.

Mae aelodau dilys i gyd yn fyfyrwyr 16 oed a hŷn, yn ystod yr amser y maent wedi cofrestru fel myfyrwyr presennol yng Ngholeg Cambria. Mae pob aelod yn gymwys am ddisgownt NUS/Totum a chardiau adnabod.

Daw aelodaeth Llais Myfyrwyr i ben pan na fyddwch yn fyfyrwyr yng Ngholeg Cambria rhagor NEU os bydd penderfyniad yn cael ei wneud i'ch gwahardd o'r coleg o dan 'God Ymddygiad' Coleg Cambria. Bydd y Pwyllgor Gweithredol yn defnyddio ac yn monitro'r Cod Ymddygiad y mae'n rhaid i bob aelod gadw ato, gan gynnwys pan fo aelodau'n ymwneud â gweithgareddau neu ddigwyddiadau sy'n cael eu cynnal neu eu trefnu gennym ni.

Gall aelodau ddefnyddio ein cyfleusterau a chymryd rhan yn ein gweithgareddau addysgol, cymdeithasol, chwaraeon a diwylliannol.

Gall aelodau siarad a phleidleisio mewn cyfarfodydd, enwebu aelodau eraill ar gyfer swyddi gyda chyfrifoldebau ychwanegol, sefyll a phleidleisio yn ein hetholiadau, a chael swydd mewn clybiau, cymdeithasau ac ar ein Pwyllgor Gweithredol. Nid yw aelodau staff sydd hefyd yn fyfyrwyr yn aelodau o Llais Myfyrwyr. Ni all myfyrwyr presennol sydd wedi cofrestru yng Ngholeg Cambria ac o dan 16 oed fod yn aelodau, ond gallant gymryd rhan mewn gweithgareddau dethol fel y cymeradwywyd gan y Pwyllgor Gweithredol. Nid ydynt yn gymwys i gael gostyngiad NUS/Totum a cherdyn adnabod.

ETHOLIADAU:

Gall aelodau ymgymryd â rolau amrywiol sydd ar gael iddynt trwy Llais Myfyrwyr Coleg Cambria. Yn unol â Deddf Addysg 1994, bydd yr holl Fyfyrwyr/Cynrychiolwyr Dosbarth, Is-lywyddion Myfyrwyr a Llywyddion Myfyrwyr yn cael eu hethol drwy bleidlais gudd o'r aelodau perthnasol (gweler tudalen 4). Yn gyntaf bydd Cynrychiolwyr Cyngor y Safle a Swyddogion Myfyrwyr yn cael eu cyfweild a bydd ymgeiswyr cymwys terfynol yn cael eu cyflwyno ar gyfer etholiadau trwy bleidlais gudd o aelodau perthnasol.

CYNRYCHIOLWYR LLAIS MYFYRWYR ADDYSG BELLACH:

CYFRAN-
OGWCH!

Mae'r rolau canlynol yn ffurfio fframwaith system Llais Myfyrwyr Coleg Cambria – mae gan bob un o'r swyddi cyfrifoldeb hyn ei brosesau etholiadol ei hun:

MYFYRWYR Pob myfyriwr yn cael ei gynrychioli gan y rolau isod.	Mae gan yr holl fyfyrwyr y cyfle i godi eu llais. Gallant wneud hyn drwy roi adborth i Gynrychiolwyr Myfyrwyr, cymryd rhan mewn grwpiau ffocws, defnyddio eu pleidleisiau i ddewis eu Llywydd Myfyrwyr, defnyddio'r platfform Dweud eich Dweud a chymryd rhan mewn grwpiau, clybiau a gweithgareddau.
CYNRYCHIOLWYR MYFYRWYR / DOSBARTH Tua. 1 – 2 i bob Dosbarth, Tiwtor, Bugeiliol, Cynnydd neu Grŵp CDU	Gwahoddir myfyrwyr i fynegi diddordeb mewn bod yn Gynrychiolwyr Myfyrwyr, y cyfeirir atynt hefyd fel Cynrychiolwyr Dosbarth, i'w Hanogwyr Cynnydd. Mae'r ymgeiswyr hyn yn cael eu hethol/enwebu gan eu dosbarth ar gyfer y rôl. Mae pob dosbarth yn cyflwyno 1 neu 2 Cynrychiolydd Myfyrwyr o statws cyfartal fel llais eu dosbarth. Siaradwch â'ch Hanogwr Cynnydd ynghlŷn â bod yn Gynrychiolydd Myfyrwyr.
CYNRYCHIOLWYR CYNGOR Y SAFLE Tua 12 i bob Safle	Yn dilyn eu Sesiwn Hyfforddi, gwahoddir Cynrychiolwyr Myfyrwyr i gyflwyno datganiad byr yn esbonio pam y dylid eu dewis i fod yn Gynrychiolydd Cyngor y Safle. Erbyn canol mis Hydref, bydd ymgeiswyr yn cael eu cyfweld a bydd myfyrwyr ar draws pob maes astudio yn cael eu dewis i gynrychioli eu maes drwy gael eu hethol gan ymgeiswyr cymwys.
IS-LYWYDD MYFYRWYR 1 i bob Safle	Bob blwyddyn academiaidd, bydd pob Cynrychiolydd Cyngor y Safle* yn cael cyfle i ymgyrchu am swydd Is-lywydd Myfyrwyr ar gyfer eu safle. Mae pob myfyriwr yn gymwys i bleidleisio. Bydd y pleidleisiau wedi cael eu casglu erbyn diwedd mis Mai. Fel yr unig ymgeiswyr cymwys, gofynnir i Is-lywyddion Myfyrwyr ymgyrchu am rolau Llywydd Myfyrwyr ym mis Medi-Hydref.
LLYWYDD MYFYRWYR 1 i bob 3 Safle	Gofynnir i Is-lywyddion Myfyrwyr ymgyrchu am rolau Llywydd Myfyrwyr ym mis Medi-Hydref. Etholir 2 Lywydd Myfyrwyr ym mis Tachwedd. Mae pob myfyriwr sydd â statws aelodaeth yn gymwys i bleidleisio. Mae Grŵp Safle yn cwmpasu: Gogledd-Ddwyrain: lâl, Ffordd y Bers a Llysfasi Gogledd-Orllewin: Glannau Dyfrdwy, 6ed Glannau Dyfrdwy a Llaneurgain

Dyfernir pob lefel o statws Cynrychiolydd etholedig/enwebedig am un flwyddyn academiaidd yn unig, ac eithrio Is-lywyddion Myfyrwyr, sy'n ymgymryd â'u swyddi o 1 Gorffennaf – 30 Mehefin, gyda'r blynyddoedd academiaidd yn gorgyffwrdd.

* Os nad oes Cynrychiolwyr Cyngor y Safle yn ymgeisio am swydd Is-Lywydd Myfyrwyr, bydd ceisiadau'n cael eu hagar i Gynrychiolwyr Myfyrwyr ac yna i Fyfyrwyr yn y drefn honno.

DYLET SWYDDAU LLAIS MYFYRWYR ADDYSG BELLACH:

CYFRAN-
OGWCH!

Mae gan bob rôl Cynrychiolydd Llais Myfyrwyr eu cyfrifoldebau eu hunain:

MYFYRWYR Pob myfyriwr sy'n cael eu cynrychioli gan y rolau isod.	Gan fod pob myfyriwr yn aelodau o Llais Myfyrwyr Coleg Cambria (yn amodol ar y canllawiau a nodir ar dudalen 3) mae bob Myfyriwr yn gyfrifol am sicrhau bod eu barn yn cael eu bwydo i blatfformau'r Llais Myfyrwyr. Os nad oes gan ddsbarth Gynrychiolydd Myfyrwyr, gallant gynnig bod yn Gynrychiolydd Myfyrwyr neu gallant gysylltu â Swyddog Ymgysylltu'r Llais Myfyrwyr yn uniongyrchol.
CYNRYCHIOLWYR MYFYRWYR / DOSBARTH Tua 1 - 2 ym mhob Dosbarth, Tiwtor, Bugeiliol, Cynnydd neu Grŵp CDU	Bydd pob Cynrychiolydd Myfyrwyr yn derbyn hyfforddiant ar gyfer eu rôl, gyda'r sesiynau cyntaf yn cael eu cynnal ym mis Hydref, a sesiynau ychwanegol yn cael eu cynnal yn ôl y galw trwy gydol y flwyddyn academaidd. Gellir cyflwyno sesiynau hyfforddiant gan Swyddog Ymgysylltu'r Llais Myfyrwyr, aelodau priodol eraill, staff neu siaradwyr gwadd. Cynrychiolwyr Myfyrwyr sy'n gyfrifol am gasglu barn eu dosbarth i'w cyflwyno mewn cyfarfodydd.
CYNRYCHIOLWYR CYNGOR Y SAFLE Tua 12 i bob Safle	Mae'n ofynnol i Gynrychiolwyr Cyngor y Safle fynychu un cyfarfod o Gyngor y Safle bob tymor - os nad ydynt yn gallu bod yn bresennol, maent yn gyfrifol am ethol eilydd i fynychu yn eu lle. Mewn cyfarfodydd Cyngor y Safle, nhw sy'n gyfrifol am gynrychioli eu maes astudio.
IS-LYWYDD MYFYRWYR 1 i bob Safle	Mae Is-lywyddion Myfyrwyr yn gyfrifol hefyd am gadeirio cyfarfodydd Cyngor y Safle. Dylai is-lywyddion hefyd fod yn barod i gymryd yr awenau mewn gweithgareddau ac ymgyrchoedd Llais Myfyrwyr sy'n cael eu harwain gan Fyfyrwyr. Yn ystod Medi-Hydref eu Is-lywyddiaeth, mae'n ofynnol iddynt hefyd baratoi ymgyrch ar gyfer Llywyddiaeth grŵp eu safle.
LLYWYDD MYFYRWYR 1 i bob 3 Safle	Mae pob Llywydd Myfyrwyr yn gyfrifol am oruchwylio 3 safle. Mae'r ddau Lywydd yn gyd-gyfrifol am gadeirio'r Senedd Myfyrwyr - rhaid i o leiaf un Llywydd fod yn bresennol. Mae Llywyddion Myfyrwyr hefyd yn gyfrifol am oruchwylio ymgyrchoedd a phrosiectau sy'n cael eu harwain gan Llais Myfyrwyr ar draws grŵp eu safle i sicrhau eu bod yn cael eu diweddarau ac ar y trywydd iawn.

Gellir gofyn i gynrychiolwyr sy'n methu â chwblhau'r lefel berthnasol o hyfforddiant o fewn cyfnod rhesymol drosglwyddo eu rôl i aelod arall o'u dosbarth.

Os bydd Is-lywydd neu Lywydd yn ymddiswyddo, bydd etholiad arall yn cael ei gynnal, neu os nad oes digon o amser (i'w drafod â'r Uwch Reolwyr), dylid cynnig y Llywyddiaeth i'r ymgeisydd a ddaeth yn ail.

PLATFFORM LLAIS MYFYRWYR:

CYFRAN-
OGWCH!

Y cyfarfodydd, digwyddiadau ac offer canlynol yw prif blatfform Llais Myfyrwyr Coleg Cambria, gyda manylion a mynediad at bob un ar gael trwy wefan Llais Myfyrwyr:

CYFARFODYDD CYNRYCHIOLWYR MYFYRWYR

Mae'n ofynnol i'r Cynrychiolwyr Myfyrwyr/Dosbarth ar gyfer pob dosbarth gael adborth, pryderon, awgrymiadau a syniadau gan y myfyrwyr yn eu dosbarth neu grŵp tiwtor. Yna bydd y rhain yn cael eu coodi drwy Sianeli'r Llais Myfyrwyr isod a Chyfarfodydd Cynrychiolwyr Myfyrwyr unwaith y tymor.

CYFARFODYDD CYNRYCHIOLWYR MYFYRWYR – IS-CYFARWYDDIAETH/CYFARWYDDIAETH

Yn aml, gofynnir i Gynrychiolwyr Myfyrwyr gyfarfod fel is-gyfarwyddiaeth / cyfarwyddiaeth o leiaf unwaith y tymor. Cynhelir y cyfarfodydd hyn yn aml ym mhresenoldeb Is-Bennaeth, Pennaeth Cynorthwyol neu Gyfarwyddwr Cwricwlwm.

CYFARFODYDD CYNGOR Y SAFLE

Cyngor y Safle sy'n gyfrifol am sefydlu ein polisi (y gellir ei wrthdroi mewn Senedd Myfyrwyr neu Refferendwm), gan wneud a diwygio Amserlenni – rolau/dyletswyddau cynrychioliadol, hyfforddiant, Calendr Llais Myfyrwyr – a gweithredu fel fforwm ymgynghori ar gyfer codi materion, trafod a gweithredu. Gall aelodau Cyngor y Safle gynnwys y Prif Swyddog Gweithredol, dirprwy Brif Swyddogion Gweithredol, y Pennaeth, Is-benaethiaid cynrychioliadol, Penaethiaid Cynorthwyol neu Gyfarwyddwyr Cwricwlwm.

SENEDD MYFYRWYR

O leiaf unwaith y flwyddyn academaidd, cynhelir Senedd Myfyrwyr, gydag o leiaf 40 o Gynrychiolwyr Myfyrwyr yn bresennol, i ddod â phob Cynrychiolydd Myfyrwyr, Cynrychiolwyr Cyngor y Safle ac Is-Lywyddion Myfyrwyr o bob safle ynghyd. Pan fo polisiâu'n cael eu cyflwyno i'w trafod, dim ond yr aelodau cynrychioliadol hyn sy'n gymwys fel cynrychiolwyr pleidleisio.

PWYLLGOR GWEITHREDOL

Y Pwyllgor Gweithredol sy'n gyfrifol am redeg Llais Myfyrwyr o ddydd i ddydd yn unol â'r cyfansoddiad ac unrhyw amserlenni, unrhyw ddeddfwriaeth berthnasol ac unrhyw benderfyniadau a wneir gan Gyngor y Safle, neu gan aelodau mewn Senedd neu Refferendwm.

GRWPIAU FFOCWS

Mae pob aelod yn gymwys i fynychu grwpiau ffocws i drafod pwnc canolbwyntiedig mewn manylder - e.e. Arlwyio, Anghenion Dysgu Ychwanegol, gofalwyr ifanc, ac ati.

DWEUD EICH DWEUD

Mae gan bob aelod fynediad i'r offeryn Dweud Eich Dweud ar wefan Llais Myfyrwyr. Drwy'r platfform hwn, gall aelodau rannu syniadau, awgrymiadau neu geisiadau ac annog aelodau eraill i bleidleisio o blaid neu bleidleisio yn erbyn yn ôl eu cytundeb.

REFERENDA:

Gellir galw refferendwm, lle caniateir i bob aelod bleidleisio, ar unrhyw fater drwy pleidlais fwyafrifol o leiaf dwy ran o dair o holl aelodau Cyngor y Safle, neu drwy gytundeb gan y ddau Lywydd Myfyrwyr os byddant yn derbyn deiseb yn nodi'r mater a'r enw, cwrs, rhif myfyriwr a llofnod o leiaf 200 o aelodau. Yn achos refferendwm, gall polisi a sefydlwyd gan refferendwm wrthdroi polisi a sefydlwyd gan yr aelodau yn y Senedd Myfyrwyr neu gan Gyngor y Safle.

PWYLLGOR GWEITHREDOL:

Bydd y Pwyllgor Gweithredol yn cynnwys y Llywyddion Myfyrwyr a'r Llywodraethwyr Myfyrwyr, Is-Lywyddion, Swyddogion Myfyrwyr, y Swyddog AU a'r Swyddog DYYG. Gall Cadeiryddion Grwpiau Cymdeithasol Myfyrwyr hefyd fynychu'r pwyllgor hwn. Gelwir pob aelod o'r Pwyllgor Gweithredol yn Swyddogion Gweithredol.

Gall Pwyllgor Gweithredol ychwanegu at ei aelodaeth drwy gyfethol hyd at 8 Cynrychiolydd Myfyrwyr.

Bydd y Pwyllgor Gweithredol yn rhedeg Llais Myfyrwyr o ddydd i ddydd yn unol â'r cyfansoddiad a'r amserlenni, unrhyw ddeddfwriaeth berthnasol, unrhyw benderfyniadau y mae'r aelodau'n eu gwneud mewn Senedd neu refferendwm, neu benderfyniadau a wneir gan Gyngor y Safle.

Ceir rhestr lawn o swyddi'r Swyddogion Myfyrwyr sydd ar gael o fewn y Pwyllgor Gweithredol ar Dudalen 8.

Bydd y Pwyllgor Gweithredol yn cyfarfod o leiaf ddwywaith y flwyddyn academaidd, naill ai wyneb yn wyneb, neu'n rhithwir pan na all swyddogion fynychu wyneb yn wyneb.

BYDD SWYDDOGION GWEITHREDOL YN RHOI'R CORAU I FOD YN SWYDDOGION OS

- Byddant yn ymddiswyddo drwy roi rhybudd;
- Byddant yn methu â mynychu dau gyfarfod o'r pwyllgor gweithredol yn olynol (wyneb yn wyneb neu'n rhithwir) heb anfon ymddiheuriadau;
- Bydd cynnig o 'ddiffyg hyder' yn y swyddog yn cael ei basio gyda mwyafrif o 66% mewn pleidlais o'r Gyngor y Safle.

Oherwydd bod swydd swyddog yn fraint o fod yn aelod, gall Swyddogion Gweithredol hefyd colli eu swydd os byddant yn torri 'Cod Ymddygiad' Coleg Cambria.

PWERAU'R PWYLLGOR GWEITHREDOL:

Y Pwyllgor Gweithredol sy'n gyfrifol am oruchwylio'r ffordd y caiff ein Llais Myfyrwyr ei reoli, ein llywodraethiant (bod â'r trefniadau cywir mewn grym ar gyfer goruchwylio'r hyn yr ydym yn ei wneud), strategaeth a gwariant arfaethedig.

Gall y Pwyllgor ddiystyru unrhyw benderfyniad neu bolisi a wneir gan yr aelodau mewn Senedd, refferendwm a gan Gyngor y Safle:

- Sydd neu a allai gael effeithiau ariannol difrifol i ni
- Sydd neu a allai fod yn erbyn y gyfraith; neu
- Nad yw efallai er ein lles pennaf.

PWYLLGOR GWEITHREDOL – SWYDDOCION MYFYRWYR

Arweinwyr Safle

- Llywodraethwyr Myfyrwyr
- Llywyddion
- Is-lywyddion
- Is-Gadeirydd Cyngor y Safle

Masnachol

- Swyddog Gwasanaethau Masnachol
- Swyddog Cyfathrebu

Cyfoethogi

- Swyddog Gweithgareddau/Datblygu
- Swyddog Adloniant
- Swyddog Chwaraeon

Ceir manylion am ddyletswyddau Swyddogion Myfyrwyr ar Dudalennau 9-12 a'u bwriad yw cefnogi rolau tîm Arweinwyr y Safleoedd.

Mae Cynrychiolwyr Myfyrwyr yn gymwys i ymgymryd â sawl rôl, e.e. Cynrychiolwyr Cyngor y Safle a Swyddogion Merched, cyn belled nad oes cwynion yn cael eu derbyn gan staff addysgu ynghylch dirywiad yn eich cynnydd academaidd. Efallai y bydd myfyrwyr mewn swyddi y mae eu gwaith yn driywio neu'n destun pryder yn gorfod rhoi'r gorau i'w swyddi/swyddi ychwanegol.

BYDD SWYDDOCION MYFYRWYR YN CAEL EU RECRIWTIO DRWY'R BROSES CANLYNOL

- Gwahoddir Cynrychiolwyr Myfyrwyr i gyflwyno ceisiadau ar gyfer swydd(i) o'u dewis nhw
- Gwahoddir ymgeiswyr i fynychu panel cyfweiliad
- Bydd yn ofynnol i rolau sy'n galw am sgil penodol (e.e. Swyddog y Gymraeg) gymryd rhan mewn prawf priodol o'u sgil
- Yna bydd ymgeiswyr ar y rhestr fer yn cael eu dewis drwy etholiad

HAWLIAU, LLESIANT A CHYNALIADWYEDD

- Swyddog Ymgyrchoedd
- Swyddog yr Amgylchedd
- Swyddog Llesiant a Chymuned
- Swyddog Iaith Gymraeg

CYDRADDOLDEB, CYNHWYSIANT AC AMRYWIAETH

- Swyddog Lleiafrifoedd Ethnig
- Swyddog Anableddau
- Swyddog Rhyngwladol
- Swyddog LHDTG+
- Swyddog Myfyrwyr Hŷn
- Swyddog Merched

PWYLLGOR GWEITHREDOL – DYLET SWYDDAU SWYDDOCION MYFYRWYR:

Bydd pob Swyddog Myfyrwyr yn gyfrifol am gynorthwyo gyda gweithgareddau Llais Myfyrwyr o fewn eu rôl a'u cydlynw. Bydd disgwyl iddynt gynnig eu syniadau a'u hawgrymiadau eu hunain ar gyfer sesiynau a diweddariadau sy'n gysylltiedig â maes eu swydd e.e. byddai angen i'r Swyddog Gwasanaethau Masnachol feddwl am ddulliau o godi arian ar gyfer Llais Myfyrwyr Coleg Cambria er mwyn i ni gael arian ar gyfer cynnal sesiynau a gweithgareddau a chael y gallu i wahodd siaradwyr gwadd ar bynciau perthnasol i'n Haelodau.

Bydd pob syniad, awgrym a gweithgaredd yn cael eu trafod mewn Pwyllgor Gwaith cyn cael cymeradwyaeth a chymorth staff perthnasol yng Ngholeg Cambria.

Bydd Swyddogion Myfyrwyr wedi'u lleoli'n bennaf ar y safle lle maent yn astudio ond bydd disgwyl iddynt hefyd gymryd rhan mewn sesiynau ar safleoedd eraill o fewn rheswm.

MAE'R RÔL SWYDDOC MYFYRWYR YN WIRFODDOL AC YN PARA AM DYMOR O UN FLWYDDYN ACADEMAIDD YN UNIG.

PWYLLGOR GWEITHREDOL – SWYDDOGION MYFYRWYR MASNACHOL:

CYFRAN-
OGWCH!

SWYDDOG GWASANAETHAU MASNACHOL

Yn y rôl hon, bydd y Swyddog Myfyrwyr yn cynorthwyo gyda sefydlu a chynnal y Siopau Llais Myfyrwyr ar draws y safleoedd a gwerthuso pa gynhyrchion y dylid eu gwerthu i godi arian. Bydd y siopau Llais Myfyrwyr yn allfa ar gyfer eitemau fel dillad gyda brand y Coleg a thocynnau i ddigwyddiadau wedi'u trefnu gan y Swyddog Adloniant.

Bydd y Swyddog hwn yn gweithio'n agos gyda'r Swyddog Cyfathrebu i hyrwyddo'r eitemau ar werth, tocynnau a digwyddiadau.

SWYDDOG CYFATHREBU

Yn y rôl hon, bydd y Swyddog Myfyrwyr yn gyfrifol am helpu i gynllunio a chydlynu cyfleoedd marchnata a chyfathrebu Llais Myfyrwyr, gofalu am a chynnal Gwefan Undeb Llais Myfyrwyr, yn ogystal â helpu'r Swyddog Gwasanaethau Masnachol gyda chyfleoedd codi arian/gwerthu. Bydd y Swyddog hwn yn cydweithio'n agos â Swyddogion Myfyrwyr eraill at ddiben hybu eu digwyddiadau, sesiynau ac ymgyrchoedd, yn ogystal â gweithio'n agos gyda Thim Marchnata Coleg Cambria. Bydd gofyn iddynt gydweithio gyda Swyddog yr Iaith Gymraeg hefyd er mwyn sicrhau bod yr holl gyfathrebu'n cychymffurfio gyda gofynion yr Iaith Gymraeg.

SWYDDOG GWEITHGAREDDAU/DATBLYGU

Yn y rôl hon, bydd y Swyddog Myfyrwyr yn gyfrifol am helpu i gydlynu gweithgareddau a sesiynau datblygiadol. Gall hyn fod yn unrhyw beth o glybiau a chymdeithasau i edrych ar beth yw gofynion hyfforddi Cynrychiolwyr Myfyrwyr. O safbwynt datblygiadol, bydd y Swyddog hwn hefyd yn ymwneud â sefydlu a threfnu sesiynau hyfforddi ar gyfer Cynrychiolwyr Myfyrwyr a hefyd yn Senedd y Myfyrwyr.

Lle mae clybiau a chymdeithasau yn gorgyffwrdd gyda rolau Swyddogion 'Hawliau' neu Gydraddoldeb, Cynhwysiant ac Amrywiaeth, bydd y tasgau hyn yn cael eu cynnal gyda'i gilydd.

SWYDDOG ADLONIAN

Yn y rôl hon, bydd y Swyddog Myfyrwyr yn gyfrifol am helpu i gydlynu gweithgareddau megis seremonïau gwobrwyo Cynrychiolwyr Myfyrwyr, dawnsfeydd a phartïon a gweithgareddau eraill sy'n ymwneud ag adloniant i fyfyrwyr a chynrychiolwyr. Bydd y rôl hon yn galw am orgyffwrdd a chydweithio rhwng y Swyddog Cyfathrebu a'r Swyddog Gwasanaethau Masnachol - e.e. pan mae angen i docynnau ar gyfer digwyddiad gael eu gwerthu trwy'r siopau Llais Myfyrwyr a phan mae angen i ddigwyddiadau gael eu marchnata i fyfyrwyr.

SWYDDOG CHWARAEON

Yn y rôl hon, bydd y Swyddog Myfyrwyr yn gyfrifol am helpu i gydlynu gweithgareddau a grwpiau chwaraeon dan arweiniad myfyrwyr. Bydd gofyn i'r Swyddog Myfyrwyr hwn/hon hefyd gofrestru fel Arweinydd Dibynadwy ar gyfer Cambria Heini a gweithio'n agos gyda Cambria Heini er mwyn hyrwyddo a chynorthwyo gyda gweithgareddau yn ôl eu sgiliau a/neu hyfforddiant. Gwahoddir y Swyddog Myfyrwyr hwn/hon hefyd i gymryd rhan yn y grwpiau cynghori tymhorol canlynol fel cynrychiolydd Myfyrwyr: Grŵp Cydraddoldeb ac Amrywiaeth; grwpiau tebyg eraill a sefydlwyd.

PWYLLGOR GWEITHREDOL – SWYDDOGION MYFYRWYR CYDRADDOLDEB, CYNHWYSIANT AC AMRYWIAETH:

CYFRAN-
OGWCH!

SWYDDOG LLEIAFRIFOEDD ETHNIC

Yn y rôl hon, bydd y Swyddog Myfyrwyr yn gyfrifol am helpu i gydlynu gweithgareddau ar gyfer myfyrwyr Lleiafrifoedd Ethnig, a hyrwyddo ymwybyddiaeth o a chynrychioli eu hawliau ar draws y safleoedd. Gwahoddir y Swyddog Myfyrwyr hwn/hon hefyd i gymryd rhan yn y grwpiau cynghori tymhorol canlynol fel cynrychiolydd o Grŵp Cydraddoldeb ac Amrywiaeth Myfyrwyr.

SWYDDOG ANABLEDDAU

Yn y rôl hon, bydd y Swyddog Myfyrwyr yn gyfrifol am helpu i gydlynu gweithgareddau ar gyfer myfyrwyr Anabl, hyrwyddo ymwybyddiaeth o a chynrychioli eu hawliau ar draws y safleoedd ac unrhyw broblemau y gallant eu hwynebu. Gwahoddir y Swyddog Myfyrwyr hwn/hon hefyd i gymryd rhan yn y grwpiau cynghori tymhorol canlynol fel cynrychiolydd o Grŵp Cydraddoldeb ac Amrywiaeth Myfyrwyr; Grŵp Myfyrwyr Anabl.

SWYDDOG RHYNGWLADOL

Yn y rôl hon, bydd y Swyddog Myfyrwyr yn gyfrifol am helpu i gydlynu gweithgareddau ar gyfer myfyrwyr Rhyngwladol, hyrwyddo ymwybyddiaeth o a chynrychioli eu hawliau ar draws y safleoedd. Gwahoddir y Swyddog Myfyrwyr hwn/hon hefyd i gymryd rhan yn y grwpiau cynghori tymhorol canlynol fel cynrychiolydd o Grŵp Cydraddoldeb ac Amrywiaeth Myfyrwyr.

SWYDDOG LHDTC+

Yn y rôl hon, bydd y Swyddog Myfyrwyr yn gyfrifol am helpu i gydlynu gweithgareddau ar gyfer myfyrwyr LHDTC+, hyrwyddo ymwybyddiaeth o a chynrychioli eu hawliau ar draws y safleoedd. Gwahoddir y Swyddog Myfyrwyr hwn/hon hefyd i gymryd rhan yn y grwpiau cynghori tymhorol canlynol fel cynrychiolydd o Grŵp Cydraddoldeb ac Amrywiaeth Myfyrwyr; Grŵp Cynghori ac LHDTC+.

SWYDDOG MYFYRWYR HYN

Yn y rôl hon, bydd y Swyddog Myfyrwyr yn gyfrifol am helpu i gydlynu gweithgareddau ar gyfer myfyrwyr Hŷn, hyrwyddo ymwybyddiaeth o a chynrychioli eu hawliau ar draws y safleoedd. Gwahoddir y Swyddog Myfyrwyr hwn/hon hefyd i gymryd rhan yn y grwpiau cynghori tymhorol canlynol fel cynrychiolydd o Grŵp Cydraddoldeb ac Amrywiaeth Myfyrwyr.

SWYDDOG MERCHED

Yn y rôl hon, bydd y Swyddog Myfyrwyr yn gyfrifol am helpu i gydlynu gweithgareddau ar gyfer myfyrwyr benywaidd, hyrwyddo ymwybyddiaeth o a chynrychioli eu hawliau ar draws y safleoedd. Gwahoddir y Swyddog Myfyrwyr hwn/hon hefyd i gymryd rhan yn y grwpiau cynghori tymhorol canlynol fel cynrychiolydd o Grŵp Cydraddoldeb ac Amrywiaeth Myfyrwyr.

PWYLLGOR GWEITHREDOL – SWYDDOGION MYFYRWYR HAWLIAU, LLESIANT A CHYNALIADWYEDD:

CYFRAN-
OGWCH!

SWYDDOG YMCYRCHOEDD

Yn y rôl hon, bydd y Swyddog Myfyrwyr yn gyfrifol am weithio gyda Swyddogion 'Hawliau' ac Amgylchedd, Iechyd a Diogelwch a helpu i gydlynu, ymgymryd a hyrwyddo ymgyrchoedd ar draws y safleoedd fel y cytunwyd gan y Pwyllgor Gweithredol. gweithgareddau ar gyfer myfyrwyr benywaidd, hyrwyddo rwybyddiaeth o a chynrychioli eu hawliau ar draws y safleoedd. Gwahoddir y Swyddog Myfyrwyr hwn/hon hefyd i gymryd rhan yn y grwpiau cynghori tymhorol canlynol fel cynrychiolydd o Grŵp Cydraddoldeb ac Amrywiaeth Myfyrwyr; Grŵp Myfyrwyr Anabl.

SWYDDOG YR AMGYLCHEDD

Yn y rôl hon, bydd y Swyddog Myfyrwyr yn gyfrifol am weithio gyda Swyddogion 'Hawliau' eraill a helpu i gydlynu gweithgareddau a grwpiau amgylcheddol, ecolegol a chynaliadwyedd ar draws y safleoedd. Gwahoddir y Swyddog Myfyrwyr hwn/hon hefyd i gymryd rhan yn y grwpiau cynghori tymhorol canlynol mewn grwpiau cynghori tymhorol canlynol fel cynrychiolydd Myfyrwyr.

SWYDDOG LLESIANT A CHYMUNED

Yn y rôl hon, bydd y Swyddog Myfyrwyr yn gyfrifol am ymgymryd ag ymgyrchu addysgol a gwleidyddol ar faterion llesiant fel y cytunwyd arnynt gan y Pwyllgor Gweithredol. Bydd y Swyddog hwn hefyd yn cynorthwyo gyda hyrwyddo cyfleoedd gwirfoddoli ar gyfer aelodau. Gwahoddir y Swyddog Myfyrwyr hwn/hon hefyd i gymryd rhan yn y grwpiau cynghori tymhorol canlynol fel cynrychiolydd o Grŵp Cydraddoldeb ac Amrywiaeth Myfyrwyr.

SWYDDOG IAITH CYMRAEG

Yn y rôl hon, bydd y Swyddog Myfyrwyr yn gyfrifol am weithio'n agos gyda Swyddog Cangen y Coleg Cymraeg Cenedlaethol i hyrwyddo'r Gymraeg ar draws pob safle ac i sicrhau bod Llais Myfyrwyr Coleg Cambria yn cynnal cysylltiad cryf gyda'r iaith Gymraeg. Elfen bellach o'r rôl hon fydd cynorthwyo gyda recriwtio a chydlynu myfyrwyr Llysgenhadon Cymraeg. Gwahoddir y Swyddog Myfyrwyr hwn/hon hefyd i gymryd rhan yn y grwpiau cynghori tymor canlynol fel cynrychiolydd Grŵp Cydraddoldeb ac Amrywiaeth Myfyrwyr.

SWYDDOG ADY

Yn y rôl hon, bydd y Swyddog Myfyrwyr yn gyfrifol am weithio'n agos gyda'r timau ADY (Anghenion Dysgu Ychwanegol) ac SBA (Sgiliau Bywyd Annibynnol) i sicrhau bod anghenion myfyrwyr sydd ag ADY neu sy'n astudio cyrsiau SBA yn cael eu cynrychioli'n llawn. Gwahoddir y Swyddog Myfyrwyr hwn/hon hefyd i gymryd rhan yn y grwpiau cynghori tymor canlynol fel cynrychiolydd Myfyrwyr (gyda phresenoldeb staff cymorth lle bo angen): Grŵp Cydraddoldeb ac Amrywiaeth.

PWYLLGOR GWEITHREDOL – CYFARFODYDD:

CYFRAN-
OGWCH!

Mae'n rhaid i'r Pwyllgor Gweithredol gynnal o leiaf dau gyfarfod bob blwyddyn academaidd. Gall cyfarfodydd o'r Pwyllgor Gweithredol gael eu galw (trefnu) gan unrhyw ddau Swyddog Gweithredol.

Fel arfer, rhoddir o leiaf saith niwrnod o rybudd ar gyfer cyfarfod o'r Pwyllgor Gweithredol. Gellir rhoi rhybudd byrrach os yw pob Swyddog Gweithredol yn cytuno neu os oes angen cynnal cyfarfod ar frys ac felly nad oes modd rhoi saith niwrnod o rybudd.

Rhaid i o leiaf pedwar aelod fod yn bresennol mewn cyfarfodydd o'r Pwyllgor Gweithredol er mwyn gallu gwneud penderfyniadau.

Y Llywyddion Myfyrwyr fydd cadeirydd ac is-gadeirydd cyfarfodydd y Pwyllgor Gweithredol. Os nad oes yr un Llywydd Myfyrwyr ar gael, bydd mynychwyr y cyfarfod yn penodi Swyddog Gweithredol arall i weithredu fel cadeirydd. Bydd y Pwyllgor Gweithredol yn gwneud penderfyniadau drwy bleidlais fwyafrifol. Os oes nifer gyfartal o bleidleisiau ar fater, bydd gan y Cadeirydd bleidlais fwrw yn ogystal ag unrhyw bleidlais arall sydd ganddynt.

Gall cyfarfod o'r Pwyllgor Gweithredol gael ei gynnal wyneb yn wyneb pan fo'n ymarferol, dros y ffôn neu drwy unrhyw ddull electronig neu rithwir arall y bydd y Pwyllgor Gweithredol yn cytuno arno.

PENDERFYNIADAU'R PWYLLGOR GWEITHREDOL HEB CYFARFOD:

Os bydd pob un o swyddogion Pwyllgor Gweithredol yn cytuno ar fater, gallant wneud penderfyniad heb gynnal cyfarfod o'r Pwyllgor Gweithredol, trwy ddweud wrth ei gilydd eu bod yn cytuno.

LLYWODRAETHWYR MYFYRWYR:

Bob blwyddyn academaidd, bydd dau fyfyrwr yn ymgymryd â swyddi Llywodraethwyr Myfyrwyr ar Fwrdd Llywodraethwyr Coleg Cambria. Mae'r myfyrwyr hyn yn parhau mewn grym am un flwyddyn academaidd lawn, ac ar ôl hynny mae'r broses recriwtio yn dechrau eto.

LLYWODRAETHWYR MYFYRWYR – CYMHWYSEDDA'R BROSES RECRIWTIO:

Ym mis Ebrill, gwahoddir Cynrychiolwyr y Cyngor Safle sy'n dychwelyd i astudio yn y flwyddyn academaidd nesaf i gyflwyno cais ar gyfer swyddi Llywodraethwyr Myfyrwyr. Dylai'r ceisiadau gynnwys geirada wedi'i ysgrifennu ar bapur â phennawd Coleg Cambria arno gan o leiaf un o ddarlithwyr yr ymgeisydd. O'r ceisiadau, bydd rhestr fer o uchafswm o 3 ymgeisydd yn cael ei thynnu ar gyfer pob safle. Bydd gofyn i ymgeiswyr sydd ar y rhestr fer roi datganiad byr ynghylch pam y dylent gael eu dewis i gael eu cyflwyno ger bron fel yr ymgeisydd ar gyfer eu safle. Yna bydd aelodau Llais Myfyrwyr yn pleidleisio dros ymgeiswyr.

Yn dilyn yr etholiadau, bydd yr ymgeisydd a ddewiswyd o bob safle yn cael eu cyfnewid gan aelodau o Fwrdd y Llywodraethwyr a bydd 2 yn cael eu dewis fel Llywodraethwyr Myfyrwyr. Cynhelir cyfweiliadau ganol Mehefin cyn i argymhelliad gael ei gynnal ar ddiwedd Bwrdd Mehefin.

LLYWODRAETHWYR MYFYRWYR – DISCRIFIAD SWYDD:

Ceir gwybodaeth ychwanegol yn ymwneud â rôl Llywodraethwr Myfyrwyr ar y dolenni canlynol:

- Pecyn Paratoi Llywodraethwr Myfyrwyr
- AOC: Rôl Llywodraethwr Myfyrwyr fel Aelod o Gorff Llywodraethu Coleg

CLYBIAU A CHYMDEITHASAU:

Gall clybiau a chymdeithasau gael eu cydnabod gan Gyngor y Safle cyn belled â'u bod yn bodloni gofynion Coleg Cambria ac yn cyfrannu at ddatblygiad myfyrwyr, naill ai'n academaidd neu'n bersonol.

GWRTHDARO BUDDIANNAU:

Pryd bynnag y bydd mater yn cael ei drafod mewn cyfarfod ac mae gan aelod wrthdaro buddiannau, rhaid iddynt ddweud wrth yr aelodau eraill am y buddiant hwnnw. Bydd yn rhaid iddynt adael y cyfarfod dros dro tra bydd y mater yn cael ei drafod a'i bleidleisio arno cyn y gallant ddychwelyd.

YMLYNIAD WRTH SEFYDLIADAU ERAILL:

Rhaid i unrhyw gynnig i ymlynu wrth sefydliad arall gael ei gymeradwyo gan yr aelodau mewn Senedd Myfyrwyr neu drwy refferendwm ac yn amodol ar gymeradwyaeth Coleg Cambria.

Byddwn yn hysbysu Coleg Cambria o'r holl gysylltiadau newydd arfaethedig â sefydliadau eraill, gan gynnwys enw'r sefydliad a'r ffi sydd i'w dalu.

Byddwn yn cynnwys manylion pob cysylltiad â sefydliadau eraill a phob ffi a dalwyd ar Wefan Llais Myfyrwyr. Mae ein Wefan Llais Myfyrwyr ar gael i'n holl aelodau ac i Goleg Cambria.

Os bydd ein haelodau eisieu gwrthwynebu cysylltiad cyfredol ag unrhyw sefydliad penodol, rhaid iddynt gyflwyno deiseb, wedi'i llofnodi gan o leiaf 200 o aelodau ac yn cynnwys eu Rhif Myfyrwr, i un o'r Llywyddion. Byddwn yn galw refferendwm ar y mater. Ni allwn gynnal refferendwm ynghylch yr un mater yn ystod yr un flwyddyn academaidd.

PWYLLGOR GWEITHREDOL – CYFARFODYDD:

CYFRAN-
OGWCH!

GWEITHDREFNGWYNO:

Os byddwn yn derbyn unrhyw gwynion am Gynrychiolydd, y Pwyllgor Gwaith neu unrhyw aelod o Gyngor y Myfyrwyr, byddwn yn delio â'r rhain o dan y weithdrefn gwyno a sefydlwyd gan Goleg Cambria.

CYLLID:

Byddwn yn derbyn adnoddau priodol gan Goleg Cambria i'n galluogi i gyflawni ein hamcanion.

CYFRIFON AC ADRODDIADAU:

Bydd y Pwyllgor Gweithredol yn ymddiried yng Ngholeg Cambria i gadw at Ddeddf Addysg 1994 a Deddf Elusennau 1993 o ran cadw cofnodion ariannol ac archwilio neu archwilio cyfrifon.

COFNODION:

Bydd y Pwyllgor Gweithredol yn sicrhau bod cofnodion pob cyfarfod, gan gynnwys grwpiau ffocws – oni bai eu bod wedi cael eu diogelu oherwydd natur eu trafodaethau (e.e. gofawlyr ifanc, oedolion sy'n agored i niwed neu grwpiau ffocws ADY) – yn cael eu cadw a'u darparu i'r holl aelodau drwy Wefan Llais Myfyrwyr.

DIWYGIADAU'R CYFANSODDIAD:

Bydd Cyngorau'r Safle a Choleg Cambria yn adolygu'r cyfansoddiad hwn bob pum mlynedd o leiaf.

Dim ond trwy benderfyniad a basiwyd ym mhob cyfarfod o Gyngor y Safle gan o leiaf dwy ran o dair o'r rhai sy'n bresennol ac sydd â'r hawl i bleidleisio y gellir diwygio'r cyfansoddiad, cyn belled ag y bydd Coleg Cambria yn cymeradwyo'r gwelliannau.

DEHONGLIAD:

Os bydd unrhyw un yn herio unrhyw ran o'r cyfansoddiad hwn, byddwn yn gofyn i'n Llywyddion wneud penderfyniad.

Os bydd penderfyniad Llywydd yn cael ei herio, yn dilyn cyngor cyfreithiol, byddwn yn gofyn i Gyngor y Safle wneud penderfyniad.

Os na fydd aelod o'n cymdeithas yn fodlon â phenderfyniad Cyngor y Safle, gallant wneud apêl i Gadeirydd Bwrdd y Llywodraethwyr, a bydd penderfyniad y Cadeirydd yn derfynol.

CYFARFODYDD HEBEUPENNU'N BAROD:

Gall unrhyw Lywodraethwr/Llywydd Myfyrwyr, Swyddog Myfyrwyr, AU neu DYYG ofyn am gael unrhyw gyfarfodydd ychwanegol a gyda chytundeb Pennaeth Coleg Cambria, gall hyn fynd yn ei flaen.

CWARCHOD RHAC ATEBOLRWYDD:

Bydd pob aelod, a phob swyddog neu archwilydd arall o'n hundeb, yn cael eu hyswiro yn erbyn unrhyw atebolrwydd y maent yn ei wynebu wrth amddiffyn unrhyw achos, boed yn achos sifil neu droseddol, lle rhoddir dyfarniad o'u plaid neu lle byddant yn eu cael yn ddieuog, neu mewn cysylltiad ag unrhyw gais lle mae'r llys yn darganfod:

- nad ydynt wedi bod yn esggleulus,
- nad ydynt wedi methu â chyflawni eu dyletswyddau, neu
- nad ydynt wedi torri ymddiriedaeth o ran ein gwaith, ac yn erbyn pob cost, tâl, colled, treuliau, neu atebolrwydd y maent yn eu hwynebu wrth gyflawni eu dyletswyddau o ran gweithgareddau Llais Myfyrwyr.

DIRWYNIBEN:

Os byddwn yn cael ein dirwyn i ben, bydd unrhyw arian neu eiddo sy'n weddill wedi i'n holl ddyledion gael eu talu yn eiddo i Goleg Cambria ac yn cael ei ddal mewn ymddiriedolaeth gan Goleg Cambria er dibenion cymdeithas myfyrwyr sy'n cynrychioli myfyrwyr Coleg Cambria.

CALENDR LLAIS MYFYRWYR:

CYFRAN-
OGWCH!

Mae'r canlynol yn amlinelliad o weithgareddau Llais Myfyrwyr yn eu trefn, fesul mis, yn y calendr academaidd.

TYMOR 1 - TYMOR YR HYDREF

MEDI:

- Ffair y Glas
- Cofrestriadau Cynrychiolwyr Myfyrwyr

MEDI/HYDREF:

- Ymgyrchoedd ac Etholiadau Llywyddion Myfyrwyr

HYDREF:

- Hyfforddi Cynrychiolwyr Myfyrwyr
- Ceisiadau ar gyfer Cynrychiolwyr Cyngor y Safle
- Cyfweiliadau ar gyfer Cynrychiolwyr Cyngwr
- Etholiadau Cynrychiolwyr Cyngor y Safle

TACHWEDD/RHAGFYR:

- Cyfarfodydd Cyngor y Safle Tymor 1
- Ffeiriau Nadolig

YNYSTOD TYMOR 1:

- Cyfarfodydd Cynrychiolwyr Myfyrwyr Tymor 1
- Cyfarfod Pwyllgor Gweithredol Tymor 1
- Cyfarfodydd Cydraddoldeb ac Amrywiaeth Tymor 1

TYMOR 2 - TYMOR Y GWANWYN

CHWEFROR:

- Senedd Myfyrwyr

MAWRTH:

- Cyfarfodydd Cyngor y Safle Tymor 2

YNYSTOD TYMOR 2:

- Ceisiadau ar gyfer Llywodraethwyr Myfyrwyr
- Ceisiadau ar gyfer Is-Lywyddion Myfyrwyr
- Cyfarfodydd Cynrychiolwyr Myfyrwyr Tymor 2
- Cyfarfod Pwyllgor Gweithredol Tymor 2
- Cyfarfodydd Cydraddoldeb ac Amrywiaeth Tymor 2
- * Cynhadledd UCM Cymru
- * Cynhadledd Cenedlaethol UCM
- * Cynhadledd Rhyddid UCM

* Gellir eu cynnal yn ystod Tymor 2 neu Dymor 3.

TYMOR 3 - TYMOR YR HAF

EBRILL:

- Ceisiadau ar gyfer Llywodraethwyr Myfyrwyr
- Ceisiadau ar gyfer Is-Lywyddion Myfyrwyr

MAI:

- Ymgyrchoedd Llywodraethwyr Myfyrwyr ac Etholiadau ar gyfer y Rhestr Fer
- Ymgyrchoedd ac Etholiadau Llywodraethwyr Myfyrwyr

MEHEFIN:

- Digwyddiad Gemau Olympaidd Masnach - Ffordd Y Bers
- Cyfweiliadau Llywodraethwyr Myfyrwyr

YNYSTOD TYMOR 3*:

- Cyfarfodydd Cydraddoldeb ac Amrywiaeth Tymor 3
- * Cyfarfodydd Cynrychiolwyr Myfyrwyr Tymor 3
- * Cyfarfod Pwyllgor Gweithredol Tymor 3
- ** Cynhadledd UCM Cymru
- ** Cynhadledd Cenedlaethol UCM
- ** Cynhadledd Rhyddid UCM
- Arwain a Newid UCM (Awst - Hyfforddiant UCM ar gyfer Swyddogion Myfyrwyr)

*Os oes angen. **Gellir eu cynnal yn ystod Tymor 2 neu Dymor 3.



COLEG
CAMBRIA

CYFRAN- OGWCH!

**CYFANSODDIAD
LLAIS
MYFYRWYR**

WWW.CAMBRIA.AC.UK
0300 30 30 007